

SU MONTI DE SU TRIGU (MONTE GRANATICO)

Is montis po su trigu funt nàscius in su 1624 ma ant incarrèrau sèriamenti s'atividadi insoru a s'incarreru de su 1700.

In Barùmini s'edificiu in sa Pratzza de su Monti est stètiu fatu in sa prima metadi de su 1800 de maistus de muru de Aristais in su centru stòrigu de sa bidda, in bixinau de Matziotu e fiat connotu cumentu "Su magasinu de sa colletta" .

Fiat un'istitutzioni chi serbiat po arrimai de trigu e sa tenta cosa sua fuat de andai incontru a is messàius pòberus e de fai una riserva de trigu in totu su tempus, donendi sa possibilidadi a sa produtzioni de andai a innantis.

Su trigu prestau depiat essi torrau a coa in tempus de ddu bodiri; poita fendi aici is messaius no arrischiand de intrant in afàrius cun usuràius privaus.

In cussu tempus s'agricoltura fiat importanti meda po sa vida de sa comunidadi: in atòngiu si arant, seminant e marrant is terrenus, in s'istadi si messat su trigu ca a coa si potat a is argiolas cun is carrus de is bois o de is cuaddus e inguni si treullat e bentulat. Su lori insacau andat a su depositu de su Monti, anca si depiat misurai in su momentu chi beniat amuntonau.

S'atividadi de is Montis est acabada candu is su periodu de su fascismu funt stètius suspicius de s'Istitutu de Creditu Agràriu po sa Sardìnnia.

Imoi una pati de s'edificiu est ocupada de is uficius de su Bancu de Sardìnnia.